

Centar za promociju civilnog društva (CPCD) je bh. nevladina organizacija koja djeluje na području cijele BiH i regiona Zapadnog Balkana. Tokom 18 godina postojanja CPCD je izgradio prepoznatljivu poziciju lidera u radu sa građanima, izgradnji kapaciteta organizacija civilnog društva (OCD), kao i izgradnji demokratije i civilnog društva u BiH, kreirajući nove šanse za građane i građanke.

CPCD najveći doprinos daje izgradnji podsticajnog okruženja za razvoj civilnog društva i njegove održivosti kroz poboljšanje institucionalnog, pravnog i poreskog okvira za OCD, kroz jačanje kapaciteta i umrežavanje OCD, promociju sistema kvaliteta i kodeksa ponašanja za OCD, uspostavljanje saradnje između poslovnog i neprofitnog sektora, i naročito kroz jačanje građanskog aktivizma u BiH.

Način djelovanja:

- Planiranje i provođenje kampanja javnog zagovaranja, informisanja, podizanja svijesti i promocije dobre prakse;
- Monitoring i evaluacija rezultata i uticaja javnih politika, uključujući javne politike za podršku i razvoj civilnog društva za OCD i razvoj civilnog društva;
- Organizovanje konferencija, stručnih skupova, savjetovanja, seminara, trening radionica;
- Analize i istraživanja, pisanje preporuka;
- Pružanje usluga treninga i tehničke pomoći (savjeti, mentorstvo);
- Umrežavanje, izgradnja koalicija i partnerstva.

CPCD

Gradačaka bb, 71000 Sarajevo
Tel/Fax: 033 644 810; 611 798; 611 834
e-mail: info@cpcd.ba www.cpcd.ba;



www.civilnodrustvo.ba

www.facebook.com/civilnodrustvoBiH

Resursni centar (RC)

CPCD je osnovao RC 2006. godine. RC pruža podršku za 3.000 OCD i za hiljade građana iz cijele BiH, kao i za poslovne subjekte, vladine službenike kroz informisanje, edukaciju, mentorsku podršku i savjete.

Program malih grantova

Ovaj program pod nazivom „BUDI PROMJENA“ već 6 godina pruža finansijsku i tehničku podršku stotinama inicijativa građana koji su svojim djelovanjem postali stvarni nosioci promjena u lokalnim zajednicama.

mentoRING program

Najuspješniji program za žene u BiH i regionu, u kojem uspješne žene iz raznih sektorakroz mentorsku podrškupoklanjaju iskustvo i znanje drugim ženama koje trebaju pomoć u razvoju karijere ili pronalaženju posla. Tokom 3 godine postojanja ovaj program je povezoao 1170 žena.

Balkanska mreže za razvoj civilnog društva (BCSDN)

CPCD je jedan od osnivača i član regionalne mreže koja zagovara sudjelovanje OCD u kreiranju politika EU i jačanje kapaciteta OCD za monitoring i zagovaranje pitanja bitnih za izgradnju pozitivnog okruženja za razvoj civilnog društva na državnom i regionalnom nivou.

Mreža Globalnog sporazuma u BiH

CPCD od 2004. godine radi na promociji društveno odgovornog poslovanja u BiH, a od 2010. je sekretarijat Mreže Globalnog sporazuma u BiH, koja okuplja 88 članica – kompanija i OCD. Mreža Globalnog sporazuma je svjetska mreža koja okuplja 9.500 članica iz više od 130 zemalja.

Naši uposlenici dugogodišnjim radom u CPCD-u stekli su specifična znanja i iskustva u razvoju civilnog društva - izgradnji kapaciteta OCD-a, radu sa vladinim zvaničnicima i biznis sektorom, dodjeli grantova, zagovaranju, istraživanju, upravljanju finansijama i administraciji.

U CPCD timu je i 5 certificiranih menadžera sistema kvaliteta baziranog na ISO 9001:2008 standardu i kreiranom za organizacije civilnog društva. Imamo i bazu trenera i volontera koji skupa s nama rade na ostvarenju ciljeva za bolje i otvorenije BH društvo.



Naše vodilje u poslovanju i saradnji su:

- **Kredibilitet**
- **Poslovna izvrsnost**
- **Stručnost**
- **Transparentnost**
- **Kreativnost**
- **Transparentnost i odgovornost**
- **Poštovanje ljudskih prava**
- **Posvećenost**
- **Jednake mogućnosti**
- **Otvorenost za saradnju, nove ideje i rješenja**

Naši donatori: USAID, EU, Ambasada SAD u BiH, Ambasada Ujedinjenog Kraljevstva u BiH, SIDA, Ambasada Kraljevine Nizozemske u BiH, C.S. Mott Fondacija, Fond Otvoreno društvo, Westminster Fondacija, NED, UN agencije, OSCE i dr.

Oblasti u kojima je CPCD prepoznatljiv:

- **Saradnja vlade i NVO**. CPCD je okupio oko 400 organizacija iz cijele BiH i pokrenuo kampanju uspostave institucionalne saradnje vlade i NVO, koja je dovela do potpisivanja Sporazuma o saradnji Vijeća ministara BiH i NVO 2007. godine. 80 općina i 2 kantona u BiH su potpisali sporazum o saradnji sa OCD, na inicijativu i uz tehničku pomoć CPCD. CPCD je sekretarijat najveće mreže OCD u BiH „Sporazum plus“ koja broji preko 450 članica.
- **Resursni centar (RC)**. CPCD je uspostavio jedini RC za civilno društvo u BiH koji već 7 godina pruža kvalitetnu podršku razvoju civilnog društva i drugih sektora kroz informacije, edukacije, savjete, mentorsku podršku.
- **Mentorstvo**. CPCD je razvio mentorski program za povezivanje i osnaživanje žena, koji predstavlja inovativni pristup edukaciji imobilisanju voloterskog doprinosa izgradnji nove generacije liderica u raznim sferama društva. Ovaj najveći i najznačajniji mentorski program u BiH, ali i u regiji Zapadnog Balkana, privukao je veliku pažnju medija i poslovnog sektora.
- **Sistem kvaliteta za OCD**. CPCD je lider u uvođenju sistema kvaliteta u NVO sektor. Organizovana je serija edukacija o ISO standardu za 40 OCD iz BiH. CPCD je razvio jedinstveni alat za procjenu OCD, na osnovu ISO standarda, koji je primijenjen na 31 organizaciji.
- **Inovativne filantropske aktivnosti**. CPCD vlastitim primjerom uspostavlja nove trendove u društveno odgovornom poslovanju - akcijom „Srce XXL“ u kojoj se u humanitarne svrhe izdvajaju mjesečne donacije iz plate uposlenih, uposlenici CPCD su inspirisali preko 1000 pojedinaca da urade isto. Osim toga, humanitarnim akcijama CPCD potiče solidarnost i povezuje kompanije, vlasti i građane u pružanju pomoći ljudima u nevolji.

- **Široka mreža partnera**. CPCD ima jaku mrežu saradnika na području cijele BiH i regije Zapadnog Balkana, koja obuhvata OCD, predstavnike vladinog sektora, eksperte, kompanije, pojedince. Naročitu pažnju CPCD poklanja razvoju strateške saradnje s amedijima (Radio Otvorena mreža i FaceTV).